

დაცვის მექანიზმები სარძევე ჯირკვლის სკრინინგზე მისულ და
სკრინინგის სურვილის არმქონე ქალებთან

სალომე აბესაძე

*სამაგისტრო ნაშრომი წარდგენილია ილიას სახელმწიფო უნივერსიტეტის
მეცნიერებათა და ხელოვნების ფაკულტეტზე მაგისტრის აკადემიური
ხარისხის მინიჭების მოთხოვნების შესაბამისად*

პროგრამა: სოციალური სამუშაო

სამეცნიერო ხელმძღვანელი: შორენა საძაგლიშვილი, MSD, PHD

ილიას სახელმწიფო უნივერსიტეტი

თბილისი, 2016

განაცხადი

როგორც წარდგენილი სამაგისტრო ნაშრომის ავტორი, ვაცხადებ, რომ ნაშრომი წარმოადგენს ჩემს ორიგინალურ ნამუშევარს და არ შეიცავს სხვა ავტორების მიერ აქამდე გამოქვეყნებულ, გამოსაქვეყნებლად მიღებულ ან დასაცავად წარდგენილ მასალებს, რომელიც ნაშრომში არ არის მოხსენიებული ან ციტირებული სათანადო წესების შესაბამისად.

სალომე აბესაძე

24.06.2016

აბსტრაქტი

ძუძუს კიბო ერთ-ერთი მწვავე დაავადებაა მთელ მსოფლიოში და მათ შორის საქართველოშიც. 2008 წლიდან საქართველოს ეროვნული სკრინინგ ცენტრი ახორციელებს მკერდის კიბოს სკრინინგის უფასო პროგრამას, რომელიც გულისხმობს 40 - დან 70 წლამდე ქალების უფასო მამოგრაფიას და მამოლოგის კონსულტაციას. სტატისტიკური მონაცემების მიხედვით, მიმართვიანობის რაოდენობა პროგრამის ფუნქციონირების პირველ წლებთან შედარებით გაზრდილია, თუმცა კიბოს დიაგნოზის დასმა უფრო ხშირად გვიან სტადიებზე ხდება.

დაიგეგმა კვლევა, რომლის მიზანია გამოავლინოს ის ხელისშემშლელი ფსიქო-ემოციური ფაქტორები და ეგოს დაცვის მექანიზმები, რომელებიც ხელს უშლის ქალებს მკერდის კიბოს სკრინინგის ჩატარებაში. გამოკითხული იქნა სკრინინგზე მისული, სკრინინგზე არმისული და გადარჩენილი ქალები. კვლევა ჩატარდა გოტშალკ-გლეზერის კონტენტ-ანალიზის მეთოდის მიხედვით. დადგინდა, რომ სკრინინგზე მისულ ქალებს აღენიშნებოდათ უფრო მაღალი სიკვდილის და განშორების შფოთვა, ხოლო სკრინინგზე არმისულ ქალებთან მთლიანი და აშკარა მტრობის მაღალი მაჩვენებელი იყო. ასევე არმისულ ქალებს, სკრინინგზე მისულებთან შედარებით უიმედობის მაღალი მაჩვენებელი ჰქონდათ.

კვლევამ გამოავლინა, რამდენად იყენებენ სკრინინგზე მისული და არმისული ქალები შფოთვის უარყოფას, როგორც ეგოს დაცვის მექანიზმს. დასკვნის საფუძველზე შემუშავდა რეკომენდაციები.

ძირითადი საძიებო სიტყვები: ძუძუს კიბო, დაცვის მექანიზმები, სკრინინგი.

Abstract

Breast cancer is one of the most problematic diseases in the world including Georgia. Since 2008, the National Screening Center performs breast cancer screening programme for free. The programme offers free mammography and breast specialist consultation to women between 40-70 ages. According to statistics, the number of appeals to the programme has increased in comparison to the earlier years, but still the cancer is more often diagnosed in the later stages.

The survey was designed to identify hindering psycho-emotional factors and ego defense mechanism which interferes women to conduct breast cancer screening. We interviewed women of three categories: women who conduct breast cancer screening, women who do not conduct screening and breast cancer survivals. The survey was conducted according to Gottschalk-Gleser's content-analysis method. It was found that women who conduct screening had high rate of death and separation anxiety. Women who do not conduct screening showed high rate of total and overt hostility, also they had high rate of negative hope in comparison with women who conduct screening.

The study revealed how often interviewed women use denial as a defense mechanism of the ego. Here are some recommendations which are based on conclusion.

Key Words: Breast Cancer, Defensive Mechanisms, Screening.

მადლობა

სამაგისტრო ნაშრომის მომზადებისას გაწეული დახმარებისთვის განსაკუთრებული მადლობა მინდა ვუთხრა ჩემს ხელმძღვანელს, ილიას სახელმწიფო უნივერსიტეტის ასოცირებულ პროფესორს, შორენა სამაგლიშვილს, რომელიც მუდმივად ჩართული იყო კვლევის პროცესში. მისი პროფესიული ასევე ადამიანური მხარდაჭერისა და თანადგომის გარეშე შეუძლებელი იქნებოდა სამაგისტრო ნაშრომის მომზადება და დასრულება.

მადლობა მინდა ვუთხრა თბილისის სკრინინგის ცენტრის დირექტორს - რემა ღვამიჩავას და სკრინინგის ცენტრის მენეჯერს - თინა ბერუჩაშვილს კვლევის პროცესში საკვლევი მასალების შეგროვებისას გაწეული დახმარებისა და მხარდაჭერისთვის. ასევე „გამარჯვებულ ქალთა კლუბის“ წევრებს კვლევაში მონაწილეობისათვის.